

**UFAAN
TINDI U NAN IAN I ZUAN A ABAVER
U I ER KEN 2011**

A-AVEN

**AKAAA PUE AA LU HANGERRA SHI AA A LU
A INJA I WE KEN TINDI U I ER KEN INYOM**

2011 NE

**AKAAA PUE AA I ER SHI I HEN SHA TINDI U I
ER KEN IYNOM I 2011 KPA I LU AA MIMI GA**

Mba ve gber:



...UMA WOU HAQH SHAMI

Ian you i faan

Mba ve ne iwasen:

MacArthur

The John D. and Catherine T. MacArthur Foundation



...UMA WOU HAQH SHAMI

Ian you I faan

Awashima yô, ka u wasen u taan iwanger sha akaa man ertom u gomenti u adeghe a puupur ken Nigeria man u duen aa aeren a tom ave ken igbiar, sha u sônnon man nôngon er ior ve a zuan a ian sha abaver aa i ver sha ajir atom a gomenti, man u luun môm ken tom eren ne, man shi u lamén tseer tseer a Mba mzough mba ken upiaven mba ken agar, mba mzough mba sha ajir a ase wue wue, mba mzough mba agbar a tomou man yiaav mbi gomenti cii

AKAA 10 AA A TESE KIMBIR-KIMBIR KEN TINDI U INFOMESHEN U I DUGH KEN 2011 LA

Orngeren

Ene Enonche*

Tindi u Najeria u he u Infomeshen a zenden aa abata shio (FoIA), u Goodluck Jonathan, Pesiden u tar ne, wa wegh shi mi sha uer ayange 28 uer u sha utaan 2011 na un pashi u lun a tahav la, ngu a akaa keregh aa aa kôr cio u wasen msertar u a gbe lun aa akaamyer ker, je yô kwaghyeren a hingir a hingir ikye i hanma tom-eren u hen tar u Najeria ne. Kwagh u a lu semakwagh man ishimaveren u tindi ne yô, ka er mba ve eren tom u msertar yô mba nengen a nenge sha ityegh kila sha aci u ior cii; nahan ior ve lu a ian igbirin ashe nengen fan kwagh u a lu shin itye yô. Jim-jim je yo, FoIA ver ishigh u kuran iikpii sha; iikpii ii mba ve eren tom u gomuneti ka ve kase iyol ve a mi, man mba eren tom hen ma imaagh ki ki lu sha aci u iwasen i ior cii kpa ka ve kase iyol a mi la. Iikpii ne ka i kase igbenda i ve erena infomeshen kua hanmakwagh-shiada u i nger i ver man a lu sha aci u ior cii yum. Kwaghngeren u kpuaar ne un a ta iwanger sha akaa pue a hangehange aa a lu ken tindi ne yô.

1 Tindi u FoIA gosugh tindi u vande lun man kaa er icirin akaamyer aa afishi shin inya (OSA) la

Ityou 2 ki tindi ne ivur (1) na zwa er “antior cii nan ngu a ian i sônun shi zuan a hanma infomeshen (a nger shin inya shin a nger ga kpa) u a lu sha ikyeve i nyityô ortamen hen hanma ijiir-tom cii, shin sha ikyeve i nyityô imaaghcii.” I na ian ne gbanger-gbanger “aa u eren sulugha sha ma kwagh u ivande ngeren ken tindi

ugenegh shio”. Ian ne tese er tindi u FoIA gosugh atindi agenegh er tindi u cirin akaamyer aa hen afishi shin inya nahan. Nahan cii kpa, FoIA ngu a imba igyosugh la sha tindi u Najeria vande veren sha kwagh u yangen vagherava man awambe a haan inya la ga sha aci tindi ngula ngu ken takeda u tamen u atindi a Najeria cii la; man gbenda u i tsou i ver ken tamen takeda shon ityou ki kiriki 9 ivur (2) sha u sôrun tindi ngula kpa gba va ikyua ape tindi u FoIA un a bende ken u ga.

2. Antior cii nan a faityo u Sônun man zuan a Infomeshen sha Tahav mbu tindi ne

Pashi u tindi u FoIA a ne ka u antior cii nan a faityô u tôôn eren kwagh a mi yô; kwagh gba sha anyom, ityô i or dugh, shin u or lun nomsuor gayô kwase ga; antior cii nan ngu a ian u zuan a kwagh u lu ken akaangeren aa a lu inya sha aci u ior cii yô. Akaa la cii er a lu sha aci u ior cii man a lu sha ikyev i ma imaagh ki ki lu eren tom u ityô i Najeria je, hanmaor kpa nan a faityô u zuan a mi a lu nan soo yô. Tindi ne shi er ian sha aci u mba ve gbe awan kua mba fan takeda ga kpaa sha u zuan a infomeshen u ve soo yô: a kaa er or u imba la nan a faityô u van a orgenegh sha u wasen nan u keren infomeshen. Kwagh u a doo cii yô, tindi shon shin er ian er saa or nan a ôr a kuma cii man a nanan infomeshen u nan soo ga cii.

3. Ikyar sha Msôn u or sen Infomeshen i va ken ayange 7

Ityou 4 man 5 ki FoIA kaa er ma imaagh ki eren tom sha aci u ityô cii ki na or ian u zuan a infomeshen u nan soo fele je; i de

karen ayange 7 ga. A lu imaagh kishonugh nenge er ka ki ki lu a tahav u nan imba infomeshen la ga yô, i na ki ayange atar u ki geman msôn u infomeshen la nan imaagh ki ki lu a tahav mbula yô. A lu infomeshen u i lu sônun la ngee kpishi yô, tindi ne seer ayange ataankarahar u ma imaagh kohol man sôrun un iyol tindin ape i sen un la. A lu i sôn infomeshen man ka u tindi ne iyol na a ne ian shami ga nahan hingir hangehange u ma imaagh ki a venda u nan un yô, tindi ne kaa er imaagh kila ki nger ki pase or u nan sen la ityôkyaa ii i hii man i gbe u nyume nan infomeshen shon yô.

4. Mbamtsaha mba sha aci u antior u nan vihi akaa-shiada a i nger i ver heregh yô

Ityou 10 ki tindi ne ta usulugha sha u or vihin shin wan ichugh ken ma kwagh-shiada u i nger i ver her sha aci u ma iwasen i kper yô. U vihin kwagh-shiada u i nger i ver imba ne ka iferkwagh i vesen hen tindi ne. Man mtsaha u sha kwaghbo shon yô, ka purusu u hii inyom ajimin yem hemen sha aci u or u nan lu hemen hen ijiir ii i er imba i ifer la yô. Shi ityou ki 7 ivur (5) u tindi nena zwa-jirigh uu N500, 000 u ma imaagh ki a kimbi zum u ijir i ker ki er ifer la za hemen heregh yô.

5. A faityô u kaa er i kimbi injar sha aci u hiden a inyaregh ki gberen shin kuran infomeshen na ior

Ian i zuan a infomeshen yô ka gbilin. Kpa ityough 8 ki FoIA kaa er “injar i a ver er ior ve kimbi i de hemban inyaregh ki tôôn foto u ikya-takeda ii infomeshen (u or soo) a lu sha mi la ga; man a lu ka

kuran a kura infomeshen u i sen la ken icher u nan kera kpa, injar i a kimbi i de hemban inyaregh ki kuran la ga.”

6. Gba ape ajiir aa a lu imaagh sha aci u wasen ior cii yô aa veren ityakeda ii i tese akaa aa a zehemen her sha aci u shiada man iwasen i kper

Tindi u FoIA wa ajiir aa a lu sha aci u eren akaa a wasen ityô cii yô tom er a kôrun cio u ngeren kwagh-shiada veren sha u tesen aerenakaa ve – a lu ueen-iertom ve er shin kpenga kpa. Shi tindi ne kaa a ve er ve veren ishima er akaa a i nger i ver a imba la yô, i sange a voughul-voughul i ver sha inja sha inja sha u kper a lu ican u keren zuan a mi ga yô. U seer yô, shi tindi ne wa ve tom kpa er ve gberen uinfomeshen mbala ve kosun. Igberen la i lusha akeke, mbaakwati mba nasera mba ahiriv man igbinda-ahir i batur i sha ahumbe. Tindi ne shi kaa er gba keng u hanma imaagh ki ki lu sha aci u wasen ityô, ki a tsua ior mba eren tom a ve mba a kam venahan ve a fa u eren akaa a tindi shon a sendegh er saa i er a tsembelee yô.

7. Gba ape mba ve er tom u ihyev-peven-akondû kpa a kura ve

Ityou 27 ki FoIA tsenga pasen anti ortom cii tuhan u nan eren tom hen ijiir ii i lu sha aci u ityô yô, er i de ze ijir a nan er nan ngu iferor sha aci u nan “due a infomeshen u ken iyough ken won sha ityôkyaa i dedoo” ga; gadia ka kwagh u FoIA a tese je la. Sha nahan yô, mba eren tom hen ajiir a imba la, a luve tôngû usuu ve ande nyager er i er kwagh u i gbe u ma i er ga, i tese tahav sha tindi ga, shin i vihi inyaregh gayô ma kwagh genegh sha gbenda u i ver u eren a mi gayô, gba ape a kura ve sha u maor nan a de teve wegh ikyôr yemen a mi ken koti shin keren gbenda ugenegh u buran ve ga yô.

8. Atô a infomeshen aa genegh yô i dugh u pasen a ken igbyar ne kera

Mtom ma 11 – 17 ma tindi ne dugh atô a infomeshen agenegh sha ken kwagh u hanma infomeshen cii yô a lu ken igyar ne. Infomeshen mba i dugh ve sha imba ne yô, ka mba ve a nzughul angahar a Najeria er a lu zenden vea ityar i ken won yô;shi ka amba a infomeshen mba ve a na mkor u tar un a dôughum yô. Mba genev yô ka infomeshen inja er iertom i hen ijiir ii i tev sha akaa aa a biishi a ifer shi i ter tindi u tsahan mbaferev mba i ker hen ijiir-tom shon la yô; infomeshen sha kwagh u ajiir a genegh aa a biishi a ijiir ingin kpa i yange i ijiir ngin u tôôn nan kera; infomeshen u inyar cii kpa gba u a tsen un hen tembe ga. Kwagh genegh u shi i vende yô ka infomeshen u i lu adini u ma iertom u duen a mi ken igbyar ga yô. Sha nahan yô, mbaabaveregh kpa ka u ve a pase or u nan teve ikyuur sha ma ibyaver ga; uloya kpa ve a due aa akaa a mba ve luv e ajir nan kera ga; mbatwerev kpa ve a gba duen a angev mbu ve lu sôrun or (man ikjav mbi ve lu sôrun nan a mi) yôôn hen tembe ga– gadia uiertom mban cii mba a adini u a yange infomeshen u imbala yô.

9. Ian ngi sha aci u or keren gbenda u i er tindi ne sha kwagh u nan soo, je yô yemen ken mbafanatindi jim kpaa sha u ve sôr ma kwagh yô

Tindi ne na ian er hanmaor cii nan a faityô u tôôn ma imaagh yemen a mi ken koti sha u kighir ki u eren tindi ne sha gbayol u nan la. Shi aver ianden sha u nanayange ikyundugber aa or u ma

ijiir i nyum nan infomeshen yô nan a faityô u van a kwagh shon er atejir a nenge sha mi nahan a sôr yô. Man mbaatindiv mba Najeria mba ve lu ken mkombu u nengen er i ndyar sha ipashi i ior ga (ka National Human Rights Commission je la) kpaa ken avegher-atindii aa a bende sha ave yô, mba a chi ken tindi u FoIA u veren ishima er i dondu un voughul.

10. Tor-Adindigh u tar Najeria cii ka abashia u nengen er i er tindi u FoIA

Tindi ne kohol ikyav mbi kwagh u dondun un, kua akaa kposu-kposu aa a ter er i eren cii, haa sha ikyum i afishi a Tor-Atindigh u tar Najeria. Sha hanma iyange i hiihii i uer u sha uhar ken inyom yô, gba ape hanma imaagh ki vesen ki ki eren akaa sha aci u ityôcii yô ki a za a ripoti u iertom i i hen Tor-Atindigh. Ripoti la i a tese ikwa i ve dondu tindi ne yô shi i a tese ikwa i ve feityô u dondun unga man atôakyaa aa a hii man ve feityô u dondun ga yô. Ikwa ii ior ve sen infomeshen, man kwaghôrun u ukoti u rumun mvende u imaagh kila u nan infomeshen u ior ve pin, kua iyenge inyar ii i ngohol sha kwagh u eren tom u nan infomeshen mba ior ve sen yô – akaa ne cii kpa ripoti la i a tese, kuashi iyenge ior ii i eren tom hen afishi la sha kwagh u nan mba ve sen yô infomeshen u ve soo.

*Ms. Enonche yô kombumba ve eren tom u “pashiu fan kwagh u a lu yô” (ka R2K je la).

MBAAIE 10 SHA TINDI U AYOUADYUU A TAMEN A DUGH SHA U INFOMESHEN A ZENDEN AA ABATA SHIO LA

**Orngerren
Chidi Anselm Odinkalu***

Pesiden Goodluck Jonathan lu na mrumun na sha tindi u i dugh er infomeshen a zenden aa abata shio (FoIA) la sha uerayange 28 uer u sha utaan 2011. Hen ishiva la je man tindi ne zua a pashi u lun a tahav. Nahan cii kpaa, yiase u tindi ne man akav a ken ijime sha tindi shon tese er, ishig nagh ki veren, kua ishamaveren i mba ve due a tindi shon yô a zer lun kwagh u ior gban keren mbaahaba mba van a kwaghnzughul sha mi kpete tsô. Sha nahan yô, se nôngu heen u tan iwanger sha akaa aa ken tindi ne.

AIE U SHA 1: TINDI U FOIA NGU SHA ACI U MBA EREN TOM U ABAVER TSEGHER

MIMI: I wuha tindi u FoIA iyol sha u nan er hanmaor cii nan a lu ityaven imiôm sha gbaa u nyôrun iyol ken gomuneti. Ishimaveren i tindi ne i vesen yô ka u antior u i sar nan ape fan iertom i gomuneti cii nan a fa kwagh la a iyol-nyion shin zwa-dôsugh shio. Ian i tindi ne a ne yô, ngi sha aci u ior sha tseeneke ve man sha aci u ajiir a ior ve kombu a ijou-zwa imôm sha u eren ma kwagh cii. Ikyor i a na je yô, er tindi ne un a na ior mpe iyol yô, ve a tôô angahar a zan gbenda u eren tom nongu vea gomuneti, man ve a kôr cio u zenden sha igbinda ii i tese mkav kpaa. Kwagh ugenegh yô, ior shi ve a faityo u kôrun mbatomuv mba i we ve tom u tarsôrun sha ikyeve man ve gbe wer la. Ka mimi, ishimaveren ngi

kpa a er, tindi ne un a wase mbatôôn abaver man mba samber aa u hemban eren ityom ve sha inja; nahan kaa-er un a pande man iyolkôruntsaha sha u timen abaver vievie cii man duen a mi tembe i a seer gadia abaver ka kwagh-shiada u i nger i ver sha aci u hanmaor yô. Kpa mzehehen ne un a faityô u duen ga saa mbaerenityom sha tôndu mba i we ve tindi ne sha ikyeve er ve ver ishima er i dondu un er tom ne a ishima imôm man tse-we. Ikyômpeni man mba ityom ve ilusha inyaregh ki eren ami ave cii kpa a ve a faityô u kôrun tindi ne ken we eren kwagh a min.

AIE U SHA 2: TINDI U FOIA NE YANGE AYOUADYUU A TAMEN WA CHWEKI KEREKH MANSI VE WUNDUGH UN CII MAN VE MASE RUMUNAMIYE

MIMI: Iyoughdyu i kiriki i shin tine la yange i er tom u nan mrumun sha kwagh u tindi u FoIAi bee sha uerayang 24 uer u sha uhar 2011; man iyoughdyu i tamen la di i gema i na mrumun sha tindi shon sha uer u sha utar ayange 16. Kpa mba mrumun mba ayoughadyuu aa ahar ne kaha sha ankaam kpuaar mba ken tindi ne. Jimin cii yô, yange akaa lu pue-kar-ahar aa yange lu kposu ken tindi ne hen atô u mbamrumun mba ayoughadyuu aa ahar ne yange ve na sha mi yô. Mbamkposu mban tese er iyolkeghen man kwaghsôghun u ayoughadyuu aa ahar ne cii a lu kposu-kposu yô. Gadia iyoughdyu i tamen la – er i rumun tindi ne man i na un pashi yô – i ver ishighe er: u hanmaor zuan a infomeshen er tindi ne a soo la yô ka mrumun u sha icivir; kpa iyoughdyu i kiriki di yô, i na tindi ne pashi er ka dyako-kwagh hen hanmaor cii. Di voughul er adini u mba dughun atindi shin Ayoughadyuu ne a tese la yô, hanma vegher u ayoughadyuu aa ahar ne yange tsua ioruv ateratar

er ve zua ityou vea mba ken iyoudyu i genegh la nahan ve due a kwaghôrun môm u a kohol akaa a ve kposu-kposu ve vande rumun ken tindi la a hingir iyôu-miôm yô. Mba i tsua ve er ve zua mtom nahan ne ve bee mbamzough vev sha uer u sha utaan ayange 19 nahan ve due a kwagh u avegher aa ahar la cii rumun man mbamrumun vev lu iyôu-miôm higen, mbamkposu kera lu ga. Kwagh u ve cii ve rumun nahan yô lu er u zuan a infomeshen ka dyako-kwagh hen hanmaor cii. Ka tindi shon u ayouadyuu a shin tine aa ahar cii yange mase ngohol man duen veren tembe sha uer u sha utaan ayange 24 je la. Kwagh u lu er jim yô, mbamkposu mba ve lu ken mrumun u tindi ne hen ayoughadyuu ne la cii yô, i bee a ve sha; nahan i zua mbamrumun vev cii hingir iyôu-miôm man kwagh shon wa tindi la avaa seer kpa. Berente u kaan er i wundugh tindi ne yô, kwagh u pesiden a wa wegh shin mi ve a hingir tindi la hembra taver man doon aa u yange hanma ken ayouadyuu aa ahar la lu dugh sha indi i I la.

AIE U SHA 3: TINDI U FOIA YÔ KA TINDI U HONABU ABIKE DABIRI

MIMI: Tindi u Najeria u FoIA yô due lu sha ijouave i uasev kpishi man mbamkombu kposu-kposu mba ior mba nongun tar sha aci u i pever marnya iyol, kua gomuneti. Shie u kwagh u tindi ne hii zanzan ve va mase duen tembe yô, ka anyom 17. Or u nan na ve gba ape a hii kwagh sha tindi ne yô, lu Edetaen Ojo, un lu ityou ki tamen sha mbagenev mba ve kohol u zuan a pathi sha aci u igbinda i samber aa abaver kua akaaôrun cii (Media Rights Agenda, MRA) la; man mba ve wase un yô lu mkombu u mba

eren tom u abaver hen Najeria (Nigerian Union of Journalist,NUJ) kua mkombu u mba nôngun tar er mba ve kangen iyav ga kpa ve shi lu a chi ve (Civil Liberties Organization,CLO). Kwa u hiihii u i due a gera u tindi ne hen ate u iyoughdyu i kiriki yô lu ken 1994; man ka Tunde Fagbohunlu (u higen a lu môm ken uloya mba ve tumbu shakwagh u ijor-ôrun i fan hen Najeria man a lu ikyar vea kômpeni u atindigh u Aluko & Oyebode la) yange wuha mhen u tindi ne iyol sha u duen a mi ken ate u iyoughdyu ye . Man mba ve wase un yô, lu Bankole Aluko, loya u un kpa va tumbu sha kwagh u ijir-ôrun i fan hen Najeria kpa ku u tee un kera higen la, u masen ken mba ve wase Tunde Fagbohunlu sha kwagh u tindi ne yô, lu Chidi Anselm Odinkalu. Hônabu Abike Dabiri-Erewa lu môm ken mba tan ikyaa ken tindi ne mba hemban taver cii hen kwav u sha 5 u Ayoughadyuu a Najeria, man wen kpa lu môm ken mba suen er tindi ne a za zanzan a lu a tahavhen shie u kwav u Ayoughadyuu a Najeria u a sember karen kera la. Mbagenev hen shie la mba ve sue er tindi ne a za zanzan a due ityou a lu a tahav yô lu Ita Enang man Dino Melaye. Ka Abike Dabri-Erewa tswen ta ikyaa a tindi ne man sue un er a hingir mimi ga; wen lu a za shin Iyoughdyu tsô kpaa ga hen shie u kwagh u tindi ne due ken ate u iyoughdyu i kiriki kwa u hiihii ken inyom i 1999 la. Mba ve dugh iti gbungur-gbungur sha u suen mhen sha kwagh u tindi ne zum u i ter kwagh na kwa u hiihii ken 1999 yô ka Tony Anyanwu u higen ku u yem a na la, man Nduka Irabor kua Jerry Ugokwe. Mbagenev mba ve wa atônkô taveraa hen shie la er mhen u tindi ne a due keng yô, lu Victor Lar (u a lu Senetô higen

ken kwav u idyu-zan u he ne), Nze Chidi Duru, Lad Ojomo man Uche Maduako – mban cii ve lu ken kwav u iyoughdyu i kiriki u sha 4. Mbagenev ken mba ve sue mhen u tindi ne hen kwav u sha 5 man 6 u iyoughdyu i kiriki kpoughloo yô, lu Henry Seriake Dickson, Porofesô (higen ka Senetô) Sola Adeyeye, Uche Onyeagucha, Haruna Yerima, Dôkuta Usman Bugaje, Ita Enang (higen ka Senetô) man Aminu Masari u lu Orhemen u iyoughdyu i kiriki i i kar la kua or cirin ken a na, Austin Opara. Hide shin iyoughdyu i tamen, ka Senete je la, yô:Tawar Wada,u a saa ku kera higen la, man Victor Ndoma-Egba, loya u a tumbu sha kwagh u ijir-orun i fan hen Najeria la – ka mba ve ta ikyaa a tindi ne shinla taveraa je la. U tsuan teren mbagenev mba ve tile sha kwagh u tindi ne dôuung ken anyom a i lu nôngun kwagh na yô, ka: Ken Nnamani, u lu pesiden u iyoughdyu i tamen, ka Senete je la;Uche Chukwumerije; Inatimi Spiff; Ayogu Eze;man Julius Ucha.

AIE U SHA 4: TINDI U FOIA UN A VA A VAGHERAVA MANAWAMBE A HAAN INYA HEN TAR NAJERIA

MIMI: U yangen awambe a haan inya hen tar Najeria ka kwagh u ijou-ave i hanmaor u nan lu heen shin nan dugh ityô hen tar ne yô. Berente u van a vagherava man haan awambe inya yô, tindi u FoIA un a gema a seer a seer myange u vagherava man awambe hen tar ne gadia a va a mzer u dedoo môm hen tar u Najeria; a er kwagh la sha u dughun uinfomeshen mbagenev ken ana sha; shi a

na ikyuran kpishi sha aci u antior u nan er tom u ihyev-anden-akondu kpa a hen ityou nagh ki sha 27 la. Mtom hii 11 zanzan 19 man 26 ma seer dughun uinfomeshen mbagenev sha ken tindi ne sha u wasen tar. Uinfomeshen mba i dugh sha er i de gbe haan ve inya sha aci u hanmaor ga ken tindi ne yô tese hen tindi shon ityou 11, ivur (1) ape i kaa er, “hanma infomeshen u a due a mi tembe ve un a vihi iertom i tar Najeria aa ityar i ken won, gayô un a wundugh tar Najeria u kuran iyol i u cii yô”; u seer yô, ityou 12, ivur (1) kpa shi yange u haan ma infomeshen inya u un a nzughul gbenda sha ma ifer i mbafanatindi ve lu tôvun yô zan ami ave yô. Kwagh u i pase heen yô a hôn sha mba eren tom u dasenda jighlii. Kwagh u tindi ne a kaa sha amba akaa ne cii a zua sha tindi u tar Najeria vande dughun veren kera ken inyom i 1986 sha gbaau yangen awambe a haan inya la. Kwagh ne cii vande ngun ken takeda u tamen u atindiigh u Najeria (ka Kônsititushen je la) u i dugh ken inyom i 1999 la hen ityou ki kiriki 315, ivur (5), ishember i (c). Man akaa a kwagh a gbe sha a heen man i ter a ken takeda u atindiigh u tamen u Najeria la, a fatyô gban sôrun a geman daang ga saa a lu ka kwagh-kwaghaa di er i tese ken tamen takeda shon ityou ki kiriki 9, ivur (2) nahan. Shi Najeria vande pendan tindi ugenegh sha kwagh u yangen vagherava man awambe a haan inya la haa iwa-yar ajiir atar er i veren ishima er kwagh la nahan er hen tar Najeria ga. Ka iwa-yar mba shon je ne:

- (a) Mba kangen-iyav mba eren mbamker sha aci u van a ikyuran i tar Najeria (Defence Intelligence Agency,

DIA), sha aci mkura u un a vengese alu ma ikyur yôô adudu u Najeria sha inja i tswam yô – ka akaa a shojaa je la.

- (b) Mba eren mbamker mba aderapupuu sha aci u zuan a ikyuran i tar Najeria (National Intelligence Agency, NIA), sha aci u mkura u a nengen tar-doon u Najeria sha u meen jingen ken won u ityô i Najeria nengen er zaiyol ngu ga; u masen yô
- (c) Mba eren Mbamkerken atô u tar Najeria sha aci u u doo 8yô (State Secret Service, SSS), sha aci u mkor u tar u Najeria u ken atô.

Or u (sha ityôkyaa i yangen vagherava man awambe a haan inya ne) i tsough un i ver er a lu nom-iwa-yar u nengen sha iwa-yar ii ityar ne cii (National Security Adviser, NSA) la yô, ka ityou ki sha 4 ki tindi ngula ki dugh a na tembe ye; ki kaa je er, wen “a lu ityou sha kwagh u yangen vagherava man awambe a haan inya hen tar Najeria.” Shi ityou 2, ivur 3, ishiember i (a) u tindi lawa SSS tom er ve kôrcio tsembelee u “kuran akaa aa a zou sha mbaaderapupuu mba Najeria, aa i gbe u aa due ken igbyar ga yô.” Kwagh u a lu jighlii jim je yô, iertom ii gbe u iwa-yar ne cii i a eren yô, tese er ia zaan hemen sha ashie-ashie u sängen ikyav mbi infomeshen atô kposu-kposu sôrun veren sha inja nahan fan kwagh u voughul u eren a mi – hemban je yo, ikyav mbi infomeshen mbi i kaa er mbi a coco iyol sha gbaau yangen vagherava man awambe a haan inya hen tar Najeria yô.

AIE U SHA 5: GBA APE SE LU A TINDI U KURAN AKAAMYERAHENAFISHI

MIMI: Kwagh u tindi u kuran akaamyer a hen afishi u a zou sha u tar Najeria yô ka u Mbabiritishi ver un ikyagh ki teman ken inyom i 1911 la. Man ve nyôr a mi ken tar Najeria sha indi ve i ve kôr ior Najeria ikpyan yô hen shie u ve magh kwav u Najeria u sha man u shin la. Mbabiritishi fa marnya u ityô i Najeria ga; kwagh u ve fayô lu er ior Najeria ka ikpyan ve. Nahan zum u ve tema tor sha tar u Najeria cii or môm hen tar ne nan kuma ve sha icivir i marnya ga. Najeria va zou a tseeneke na yô, shoja kar ngohol hemen u tar ne shie lihe; man hemen u shoja di kpa na ior ian u keren igbinda i uma u marnyalun a icivir ga. Er gomuneti va hidi sha ikyev i mbaaderapupuu (u ka i haa ishangen i tsua mba hemen tar) u a hembé lun a inja ne yô, ka tindi er FoIA nahan tseggher a lu u un a na marnya ve a zua a ian u fan iertom i ior mba ve hee ve asangen (kua imaagh mbi gomuneti) ve lu eren ye. Kwagh ne a na ior a hembé lun a mkav sha akaa aa a lu zan hemen; sha nahan yô, ve a fa alu ape a ver akaa shon heregh shin a sôr a, gayô a ta a kera yô. Ken Mbabiritishi ape tindi u akaamyer a ken afishi due la kpa mba yeggher unsha ashie-ashie u sôrun un veren. Higen je yô, tindi la ken tar shon mase shin sha aci u mbaerentom u yangen vagherava man awambe a haan inya hen tar la kua mbaeren tom u keren mker sha aci u mkor u tar la tseggher. U hiden di keen yô, tindi la er yange batur kôr ior Najeria ikpyan ve ve va ami je tsô a lu la: igbenger kwagh imôm tsô kpa mba a sôr ker i gema ga.

AIE U SHA 6: TINDI U FOIA NGU A TAHAV KEN IKPENTAR I NAJERIA GA

MIMI: Tindi u FoIA eren tom igbinda ihyar ii i lu sha ityesen i

takeda u tamen u atindi aNajeria cii u tesityô; takeda la tese er akaa a imba ne yô i lu kwar u Ayoughadyuu a tamen la tswen teman nengen sha a. Hiihii yô, kpen-kwaghôrun u sha 3, tiôn u (c), zum u kwav u sha 3, wa Ayoughadyuu a tamen tahav sha ikyeve u dughun atindi sha gbaa u zuan a infomeshen sha kwagh u mbatamen mba eren tom-tôndu pasen akaa a ve lu a min ave yô. U sha uhar yô, ishiemberkwagh i 60, ivur i (a) i kwav u sha 2, ape i ne ipashi ii i lu u sha aci u Ayoughadyuu tsegheer la, shi na Ayoughadyuu a tar Najeria a tamen la ian er ka a tsegheer a lu a tahav mbu dughun atindi sha mzehehen u akaa aa a lu hangehange u tar Najeria ye. Kwagh ne ngu hen ityou ki vesen ki II ki takeda u tamen u atindi a Najeria; ityou ki kiriki ki 14, ivur 2, ishiember u (c) na mrumun er “mhembecii yô ka sha ikyeve i ior Najeria a lu ye gadia ka hen a ve man gomuneti a zou a tahav cii kpaayê”. Man ityou ki kiriki ki 14, ivur 2, ishiember i (c) u takeda shon u tamen u atindi a Najeria la môm-môm la shi kaa er “gba kpeer u veren ian er ior ve wa wegheer ken gomuneti ve...”Tindi u FoIA na yô, akaa aa takeda u tamen u atindi a Najeria cii a tsou a ver er nga sha aci u Ayoughadyuu a tamen ne cii, i er a. U seer yô, ishiember i C. 4 i Vegheer II u kwav u mtem u sha 2 u Ayoughadyuu, u a ter kwagh u ati a van akerasôhô, la kaa wen er “Ayoughadyuu a vesen aa faityô u dughun atindi sha aci u tar u Najeria cii, gayô ipyaventar imôm sha kwagh u akaa a tsutsua aa i kôsu ken itakeda kua kwagh u infomeshen u a lu sha aci u ior i tar cii yô.” Or yange ayoughadyuu aa ikpyentar u dughun atindi a imba ne keng ga, kpa a lu ve a dugh imba tindi la man i za ityou gondu je zulum u nzughul tindi u Ayoughadyuu a tamen la a dugh yô, tindi u ayougadyuu aa ikpyentar la un a ta gbenda sha aci

u tindi u Ayoughadyuu a tamen la a kar yô. A lu ma atindi ainja ne nga ga yô, man tindi u FoIA un a karen a ikyya ken ikpyentar je.

AIE U SHA 7: KEN GBENDA U VIHIN KPISHI YÔ, TINDI U FOIA UN ANA ORA KERALU A MYERENEM GA

MIMI: Ityou 14 ki tindi u FoIA kaa er: “keng-keng je, imaagh ki ki lu sha aci u ior cii ki venda u nan infomeshen u a ter akaa a or aa a lu sha aci u mfe u or nan tswen yô”. Manshi tindi shon ter akaa wueer sha iyol i or aa a faityô u kaan er doo u gban haan hen tembe ga yô. Kpa, u eren kwagh u a hembe doon man i dondun un hen ityar i shawon cii sha kwagh u infomeshen u zuan a mi yô: kwagh u myerenem ma or ne mba karen un er a til vea mdoo u mbakpishiv yô; a faityô u geman ijeme a mdoo u mbakpishiv sha aci u kuran myerenem ma or môm ga. U seer yô, tindi ne yange u nan infomeshen u a bende sha kwagh u a lu ken ijir shin i lu tôvun zan ami yô, gayô kwagh u a bende a iyouci man u mbatwerek gban yôôn angev mbu ve lu sôrun or, shin kwagh u mba tôôn abaver pasen or u nan ne ve ibyaver yô; tindi ne yange akaa angan cii voughul-voughul.

AIE U SHA 8: TINDI U FOIA UN ANA MBATÔÔN ABAVER IGYENGEN

MIMI: Berente u nan a na mbatôôn abaver igyengen yô, tindi u FoIA jim je yô ngu sha u yangen igyengen la. Tarsôrun u u kar kera zum u infomeshen yange a lu kwagh u asandeaier kpuaar hen afishi a nengen sha mi ve mbatôôn abvaer ve dugh ityokyya sha hwev tsoughun sha u van a abaver aa ve tim sha mi tsembelee kpaa

ga(a lu kaa-er tsegher) la bee. A tindi u FoIA yô, mbaabaveregh (man antior u nan soo u gberen kwagh u un a lu ken ityakeda ii i ver shiada u kper sha aci u hanmaor cii) ve a kôr cio u timen sha akaa la zulee man tôvun vievie cii man gberen a ye. Kwagh u a lujighlii u mban eren higen yô, ka u ve tesen tse-we ve u ken tom sha u pasen iniôngun i ve er u zuan a infomeshen u a a kom sha kwagh u ve lam sha mi la. U tesen ikyav yô, hen ape ijir i gbe hen vegher u mba aderapupuu sha kwagh u i ndyar sha pashi u or i due a kwagh u nan u ken iyou ken won sha mfe u nan ga yô, mbaatejir ve a faityô u tôvun nahan nengenfanape orabaver la nan tim vievie ga nahan ve a fa tia ii i kom u nan a wua ve i a kuma u wamen or u i ndyar sha pashi u nan la yô. Hen tar wase u ior ve ngeren kwagh man ve gberenve due a mi ne yô, tindi u FoIA ngu ainja kpishi u panden ishe i kohol abaver sha u duen a mi manshi u wasen mba ve lu hegh ken kwagh u tom abaver yô u hiin tom man eren u shainja kpa.

AIE U SHA 9: MA IWA-YAR NGI I NENGEN ER I ER TINDI U FOIAGA

MIMI: Tindi u FoIA bende sha hanma imaagh ki kwagh ki ki lu sha aci u hanmaor cii; manshi ngu sha aci u “mbamkombu mba ve lu sha ikyev i ior tseeneke ve kpa ve lu sha ityôkyaa i eren tom sha aci u ior cii, man ve lu eren akaa aa a lu a iwassen hen ior cii, shi i lu inyaregh ki sha aci u ior cii ve ngohol ve eren amba akaa la yô.” Anzaaior aa i ter a shin vegher u masetyô u kwaghôrun la yô, kwagh a hii tsô a mase kaven ve. Hanma imaagh ki ki lu sha aci u antior cii man tindi ne a wever ki cii yô, gba u ki a naan ripoti hen Tor-Atindigh u tar Najeria u pesiden tswen ka a tsua la sha hanma inyom, wen ngu a tahav mbu eren tom u abashia sha a ve nahan geman di nan ripoti shin Ayouadyuu a tamen pasen ve er tom sha kwagh u tindi ne u lu zan yô. Tindi ne wa tahav kpishi mbu vegher



u kwagh u mbafanatindi sha ikyeve i ate mba ôrun ajir er ve yegher un nahan a gba ape a sôr kpa a sôr. Manshi a faityô u ôrun, er or a nyiman ase, er, Ityumbe i mzough u mba eren tom atindiigh wueer mba Najeria ii i ver ishima er i de kighir or sha ipira ga (Human Rights Commission) la kpa i doo u lun agirigi u mbala veren ishima er i dondu tindi ne.

AIE U SHA 10: SE WAIYOL SHA U LUNA FOIAGA

MIMI: Ior mba ve hee asangen ve tsough mba ve soo ve shin idyu i shin Abuja shin i hen iyoughdyu i Kpentar ve yô, ve wa a wa iyol kuma u fan kwagh u ve mba i sange ve i tindi la (kuashi Iyoughdyu i ka ve za shimi la) cii ve lu eren yô!

***ODINKALU**, ngu môm ken kômôtii u a hemen mzough u uloya mba hen tar Najeria yô (NBA), man eren tom ve a Open Society Foundation (OSF); ngula ka mkombu u ior mba ve lu eren tom er tar u lu vieegher wang aa mbamcir côvcôv shio yô*



info@r2knigeria.org
www.r2knigeria.org